



# Khutba Jummah

HAZRAT MUHYI-UD-DIN AL-KHALIFATULLAH

*Munir Ahmad Azim*

22 Janvier 2016 ~  
(11 Rabi'ul Aakhir 1437 Hijri)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba Jummah lors « Ene Chef de parmi L'Oummah Muhammadiyya (saws) »:

مِلَّةَ أَبِيكُمْ إِبْرَاهِيمَ ۗ هُوَ سَمُّكُمُ الْمُسْلِمِينَ ۗ

**Millata 'abiikum 'Ibraahiim. Huwa sammaakumul-Muslimiin.**

« Religion Ibrahim, ou ancêtre; Li fine donne ou le nom Musulman (Soumis). »  
(Al-Hajj 22: 79).

Ô bane musulmans ! Rappelle bien ki nous bane zenfants promis de Hazrat Ibrahim (as). Ena bane grand promesses d'Allah concernant nous. Allah fine faire nous meilleure ki tout (*Khair Ouman*). Li fine donne nous le perfectionnement de bane faveurs mondaine et temporaire sous forme de la royauté et aussi le perfectionnement de bane faveurs spirituelles sous formes de l'apostola ziska la fin de bane jours lors sa la terre là, parski nous de descendance de Hazrat Ibrahim (as).

Allah fine tenir promesse ki Li fine faire à bane zenfants de Hazrat Ibrahim (as) à travers branche de Israïl (c'est-à-dire, Hazrat Yacoob (as)), et alor aussi lontan ki zot pas fine faire méchant (lor la terre) et pas fine montrer désobéissance, le système de royauté et d'apostola ti réservé pou zot. Mais kan sa branche de la lignée de Hazrat Ibrahim (as) fine vine méchant, Allah fine alor change trajectoire de So la lumière et fine apporte sa dans postérité de Hazrat Ismaïl (as) kot alor nous fine gagne le *Rahmatul-lil-Aalameen* (ene bénédiction pour l'univers)

ki ti vini pou béni tout bane nations et kot so venue, comme promis, fine être ene manifestation d'Allah. Sa messenger parfait tant attendu là ti bel et bien le sceau de bane prophètes, le fondateur de l'Islam, nous bien-aimé prophète Hazrat Muhammad (saws) et Li ti vini avec ene Livre d'Allah ki parfait, en l'occurrence le Quran Shareef.

Le fait ki li (saws) ene bénédiction pour tous bane nations, alor la porte de bane prophètes zamais pas pou capave fermer. Li important ki tous bane musulmans conné kifer le Saint Prophète (saws) fine annonce l'arrivée d'ene prophète, et kot sa prophete là pou en meme temps so disciple, et sa kalité prophète là li pou '*Imamakoum Minkoum*' (zot chef de parmi zot-même). Mais comment se fait-il ki bane Uléma ignore sa ? Kifer eski zot prétañne ki l'apostola en Islam fine enlevé ? A travers sa bane kalité pensées là, sa bane Uléma là fine place bane musulmans au même rang ki bane Juifs, kot sa bane là fine recevoir la colère d'Allah, et kot alor Allah fine enlève de zot le privilège de l'apostola (le privilège pour gagne bane prophètes parmi zot). Au contraire, kan à bane musulmans, depuis l'avènement de Hazrat Muhammad (saws) zot – **NOUS (bane musulmans)** – fine vine le groupe de bane ki fine être récompensé par Allah (*Moun'am Alayhim*) et alor pas capave compare bane musulmans à bane ki fine maudit (*Maghzoube Alayhim*) et ki fine égaré (*Zwaaline*). Le fait ki bane musulmans zot pas sous le coup d'ene punition divine couma bane Juifs, bane musulmans pou bizin alor continuer trouve bane prophètes ki vini de parmi zot-même.

Pour maintenir sa bénédiction là, Allah enseigne ene *doa* (supplication/ la priere) ki trouve dans Surah Al-Fatiha, premier chapitre (L'Ouverture) Quran Shareef. Lire li avec attention, et zot pou trouver ki fine fer mention de même sujet ki mo fine fek dire zot. Allah mentionne là-dans deux groupes ki fine perdi bénédiction divine, c'est-à-dire, bane Juifs et bane Chrétiens. Allah enseigne à bane musulmans pou pas vine bane '*Maghzoube Alayhim*' (maudit) et *Zwaaline* (égaré), mais ki au contraire zot ena pou suivre sa chemin ki pou fer zot attire la bénédiction divine lor zot. Allah enseigne bane croyants pou dire: **« Guide-nous lor le droit chemin, le chemin de bane ki To fine comblé de To bane faveurs, non pas de bane ki fine encourir To colère, ni de bane ki fine égaré. »** (Al-Fatiha 1: 6-7).

Si Allah ti arrête envoie prophètes, bé alor kifer Li fine enseigne bane doas pou ki l'homme recevoir bane tels faveurs de l'apostola ? Sa promesse là Allah ti fer sa avec Hazrat Ibrahim (as), et à travers li, à bane Israélites, mais kan sa bane là fine vine méchant, alor Allah fine enlève sa faveur là de zot et fine remplace zot par bane pli meilleurs couma bane zenfants d'Ismaël. Pas fine écrire aucaine part ki sa promesse ki Allah ti faire avec Hazrat Ibrahim (as) fine révoqué, ni fine mentionner ki la race de Hazrat Ibrahim (as) fine vine complètement méchant/ désobéissant. Allah pas pou capave enlève So promesse à l'exception si bane zenfants de Hazrat Ibrahim (as) fine vine complètement méchants ou kan Li-même (Allah) déclarer ki sa promesse là népli tenir deboute, népli ena so utilité. Nous remarquer ki Allah pas fine fixé ene terme à So promesse. Au contraire, la promesse li tel ki tanque ki pou ena bane descendance de Hazrat Ibrahim (as) et tanque ki zot pas fer méchant, alor l'apostola pou

contigner. Et alor nous trouver ki la postérité de Hazrat Ibrahim (as) li toujours nombreux et pou reste toujours nombreux ziska la fin de bane jours (de sa le monde là). Donc seule alternative c'est ki sa postérité vine méchant pareil couma bane Juifs et bane Chrétiens fine vine méchant. Mais Allah fine enseigne ene *doa* dans Surah Al-Fatiha kot d'ene coté, ena la prophécie ki bane 'Moun'am Alayhim' (bane ki fine gagne bane récompenses), c'est-à-dire, en l'occurrence ene partie de la postérité de Hazrat Ibrahim (as), pou reste toujours bons, et de l'autre coté, dans sa *doa* là fine montrer ki pou ena toujours ene partie pou toujours convaincue ki l'apostola fine fini complètement ; c'est-à-dire, sa bane kalité dimounes là pou bane méchant.

Donc, bane musulmans du Jamaat Ul Sahih Al Islam, de par zot croyance, zot trouve zot dans postérité de Hazrat Ibrahim (as). Mais, bane Uléma de bane différents sectes dans l'Islam, kot zot été zot ? Zot bizin ouvert bien zot lizié et réaliser dans ki position zot été astaire. La prière ki fine enseigné dans Surah Al-Fatiha li de caractère prophétique. Tout comme celui ki le Saint Prophète (saws) aussi fine enseigne nous et ki trouve dans sa *Darood* là (Darood Ibrahim):

*« O Allah ! Envoye To bane faveurs lor Muhammad (saws) et lor famille de Muhammad (saws) pareil couma To ti envoye To bane faveurs lor Ibrahim et lor famille de Ibrahim; en vérité To digne de gloire et de louanges.*

*O Allah ! Envoye bane bénédictions lor Muhammad (saws) et lor famille de Muhammad (saws) pareil couma To ti envoye bane bénédictions lor Ibrahim et lor famille de Ibrahim; en vérité To digne de gloire et de louanges.»* (Bukhari).

Ki bane faveurs et bane bénédictions ki Allah fine accorde à Hazrat Ibrahim (as) et so famille ? Eski c'est pas la royauté du point de vue mondaine et temporaire, et l'apostola du point de vue spirituel ? C'est sa bane même faveurs et bane même bénédictions là ki l'Ummah de Hazrat Muhammad (saws) fine apprane pou demander dans bane *daroods*. Li drôle ki d'ene part bane Molvis zot « mette ene stoppe » à l'apostola et d'autre part zot pé prié pou demande sa même kitchose ki zot pé lutter pou arrêter là. En vérité, zot pé trompe/ embête bane dimounes. Sa bane Molvis là pas capave tolère ki Allah choisir ene So Messenger ou So Khalifatullah et béni li avec le Saint Esprit (la Révélation Divine) et kot alor Allah pas prend zot (sa bane Mullahs/ Molvis là) compte! Mais au fait li pas dans capacité d'ene Choisi d'Allah pou choisir so destinée et c'est pas non plus dans capacité de bane dimounes et de bane savants pou défaire saki Allah fine planifié. Allah (swt) donne le royaume à ki Li content. Li capave fer n'importe ki sanlà vine So prophète. En verité, **« Allah plus conné kot Li bizin place So mission/ message ».** (Al-Anam 6 :125).

C'est ene zaffaire à réfléchir ki bane musulmans zot faire bane zéffore continuel pour gagne le royaume de la terre et kan zot pas gagne sa, zot alor désespérer, tandis ki le royaume de sa le monde ici-bas là li seulement temporaire : même si nous pas gagne li, pas grave ditout sa,

mais si nous pas gagne la bénédiction spirituelle c'est tout l'avenir ki en danger parski l'égarément amène à la perte, et de ce fait à l'enfer. Donc si ene prophète vini pour éloigne l'égarément et remette le monde lor le bon chemin, c'est en vérité le vrai but de la vie, et alor l'homme réussi dans sa monde ici-bas là et dans l'autre lé monde aussi. La promesse c'est ki pou toujours ena l'apostola dans la famille de Hazrat Ibrahim (as), ki la terre en entier pou bénie par so postérité, et ensuite Allah même fine enseigne bane *doas* pou ki nous gagne sa apostola là, et Li (Allah) faire tout sa afin pou sauve So bane créatures ki justes/ pieux de bane griffes de Shaytan/ demon, pour ki sa bane dimounes là hérite bane bienfaits d'Allah dans l'autre lé monde, pour ki dans sa le monde temporaire là, zot gagne le plaisir d'Allah. Sa li coumsa parski Allah fine établi sa la loi là, ene tel la loi ki pas pou capave changer, kot avant la fin du monde punition pou surprendre bane pays de la terre : **« Pas ena aucaine la ville (injuste) ki Nous pas pou détruire, avant le jour du jugement, ou bien puni avec ene punition terrible. Sa fine écrire dans Livre (de bane décrets inchangeable). »** (Bani Israïl 17: 59).

Deux kitchoses claire dans sa verset là. Premièrement, sa l'habitude de bane dimounes ki zot alle dans l'égarément après avoir ki zot fine trouve le bon chemin pou persister ziska la fin des temps. Shaytane, d'après so serment ki li fine fer pou contigné détourne bane dimounes du droit chemin et li pou réussi ziska ene certain point. Deuxièmement, Allah pou envoie ene punition terrible pour sauve bane dimounes de zot grand l'égarément. Sa deux kitchoses là pou continuer ena ziska le jour du jugement dernier. Celui qui prétaigne ki après l'avènement du Saint Coran et du Saint Prophète (saws) bane dimounes pas pou égarer zamais, pé faire erreur (dans so façon de pensée). Puisque Allah Li Clément et Généreux, zamais Li pas tyrannize So bane créatures. Ainsi, là kot Li fine prévenir ki pou ena ene punition terrible qui abatte lor sak la ville, Li (Allah) fine aussi dire :

**« Nous envoie Nous punition seulement après ki Nous fine envoie ene Messenger (pou averti dimounes). »** (Bani Israïl 17 : 16)

Li nécessaire ki ene prophète vini avant ki punition là afin ki bane dimounes pas être surpris dans l'insouciance. Au moment de sa punition là, bane ki fine croire dans sa prophète là et fine prend le droit chemin pou sauvé, tandis ki bane ki fiers de zot richesse et zot propre groupe/ secte et ki oppose zot à sa prophète là sans ki zot repentir de zot bane péchés et mauvais actions, pou détruire. Et sa destruction là pou vini, parski malgré commié fine fer zot comprend sa situation bien dangéré kot zot été là, zot pas reformé.

Ki Allah (swt) garde nous tous lor le droit chemin, dans le groupe de bane 'Moun'am Alayhim' (bane ki fine gagne récompenses). *Ameen.*